

Maria Lucia Valier-Cavegn, Camischolas



Ils 26 d' uost 1996 anzunia il tuchiez da s.Vigeli la mort da Lucia Valier-Cavegn. Nunspitgadamein ha ella bandunau ils ses en la biala vegliadetgna dad 87 onns.

Maria Lucia ei naschida ils 8 da settember 1909 a Rueras. Ella ei stada il tschunavel affon ord la letg da Giachen Fidel Cavegn e Maria Ursula Catrina naschida Hitz. Ina sora che fuva in onn pli veglia ei morta cun treis onns e treis fargliuns pli giuvs ei gia morts da baret. Cun strusch quater onns, igl onn 1913, piarda ella la mumma. Il bab Giachen Fidel ei secasuas cun sias quater feglias en casa cun ses tschun fargliuns ledis e l'onda Culastia (1876 - 1969) ha gidau ad educar e trer si la

famiglia.

Suenter haver giu frequentau las scolas dil vitg e vischnaunca eis ella stada a Rueras a gidau l'onda el grond tenercasa e menaschi puril dils augs. Tujetsch ha ella insumma mai bandunau.

Igl onn 1938 marida ella il Giachen Martin Valier da Camischolas. Nov affons ein il plascher dalla giuvna letg. Quels portan variaziun ella veta da mintgadi, denton era enqual fastedi e miseria. Sper la lavur en casa fuva la Lucia ina pura cun tgierp ed olma. Preschas haveva ella buca e tuttina dumignana ella tutta lavur.

Legria e treistezia sebrattan era tier la Lucia. Cun ferma cardientscha porta ella quellas cun curascha e pazienza. Ina greva frida ei bein stada la mort prematura dil feagl giuven, il Stiafen igl onn 1978. Il car mariu piarda ella igl onn 1984.

Il settember 1992 han las forzas entschiet a schar suenter e la Lucia ei serendida a Sedrun en casa s.Vigeli. Leu ha ella gudiu la beinmeritada sera dalla veta e sepreparada cun far oraziun pil davos viadi.

Ils 29 d' uost accumpogna in numerus pievel la defuncta sin siu davos viadi el santeri da s.Vigeli.